



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七九

學源堂文集十九卷學源堂詩集十卷 郭 棻 撰

一

哲次齋稿十二卷附哲次齋名家贈什一卷哲次齋同人尺牘一卷 梁 熙 撰

五五一

郭宮詹快圃文集敘

長公言退之文起八代之衰夫
晉魏以下非無文人才士而時
非長治人之奔走於衣食變遷
者不能專心致力於文章間有
出其天資奮發爲文則又雕琢
爭妍自媚於世遂成一種風氣
退之謂其言雜亂而無章非虛
語也若退之之文謂其能駕秦
漢以復古則未也實能專心致
力一洗其舊而新是圖振八代
頹靡之習以爲後世文章之宗

十序

卷之一

一

十序

卷之一

二

宋之歐陽子學焉而未勁蘇氏
父子學焉而未醇其他著書之
士數十家皆不得以文章名世
夫升堂者必由戶探源者必沂
流退之之文水之流室之戶也
秦漢而下欲文章近古而不宗
退之是猶閉其戶而塞其流吾
未見其有獲也明幾三百年著
書者何啻數百家世稱東陽龔
州荆川鹿門輩其最著也今其
文具在與退之何如也明所重
在制藝而聰明才知之士盡驅

而之制莠之文未遇者不敢爲古文獲雋者又不暇爲之比之夏虫之語冰齊門之操瑟張侗初曰學制莠者不可學書蘇紫溪曰習制舉家母分心於博古諄諄以古文爲戒是以終明之

子序

卷之一

三

世無一人能爲古文布衣若盧柟徐渭文章亦有可觀而縉紳先生多以草野捐之則巖野窮愁著書之士又何力足以自顯無惑乎明文之無足稱也聖清仍用制莠取士而士之精

研八股耆海內同風余謂八股闡聖賢之蘊可以補箋疏性理語錄訓詁諸書而欲馳騁上下縱橫於周秦漢唐之間與左穀馬班諸子比權量力不能也何也義有所牽式有所拘也退之謂取所試讀之顏忸怩而心不寧者數月余謂今之制莠亦猶是也我

子序

卷之一

四

聖天子念古文之不振每制訓謨以繼二典又舉博學宏詞使人得挾天地之蘊發山川之奇攬

古今之勝肆才知之雄不跼蹐
於蹄涔溝隙間成坐井之窺然
則文章之盛無過於今日矣郭
子快圃先生年少成進士讀書
中秘三十年來所校讐者經史
而外凡古今奇書百家衆論異

序

卷之一

五

同街談巷議天文地理山海方
域貢獻稗官野史記載所及莫
不羅括胷中以會通於人情物
理時勢是非得失之故而發爲
文章浩浩乎如長河之亘地也
皎皎乎如朗月之行天也粲粲

乎如衆星之耀晶萼萼乎如雲
霞之吐幻也其見道明而於聖
賢之道洞若觀火論事切而於
經濟之用瞭若指掌閎中而肆
外力大而氣雄余謂韓子之後
起衰者郭子其庶幾乎海爲羣

序

卷之一

六

水之會嶽爲羣山之宗文章豈
無海嶽哉文章之爲海爲嶽者
自立於世而不倚於人韓子崛
起於唐則成韓子之文郭子崛
起於今則成郭子之文自立於
世者爲世所重不倚於人者爲

人所倚必然之理也余知百世
下論文章者必曰唐之韓子今
之郭子也

康熙三十年歲次辛未都察院
掌院左都御史都統加四級
三韓子成龍題

手序

卷之一

七



學源堂集敘

郭快圃先生自翰苑歷宗伯學
士立朝三十餘年居家無異寒
素方余令清苑時值歲荒先生
夙興夜寐督諸子手錄饑人名
次而授之食嗷嗷者無遺哺而
後即安此外則藥鎬與俱手不
停披所著文十九卷詩十卷曰
學源堂集遠近知與不知莫不
曰當代之歐陽修也且夫近代
輔弼之臣率由翰苑則政事得
失天下大利大害人才之邪正

手序

卷之一

一

治亂安危之所以然何一非人

翰苑者所當深思詳考諮諏揣

度本先王之法合乎時勢之宜

以變通而盡其善乃或者徒以

焚香啜茗爲詞林能事則異日

所以宅揆補職者概可知先生

邵序

卷之一

二

之文安詳和婉上自朝廷下逮

守令與閭閻疾苦莫不纏綿篤

摯隨在洋溢而出卽其詩流連

鬱勃意之所在莫不皆然嗚乎

此先生所以無愧于古之立言

不朽而卓然當世者也予迂戇

無似謬膺薦牘

聖天子不棄置之烏臺又

特簡監司雖捐糜頂踵不知所

以報稱幸先生家居得領其風

旨辨是非決猶豫庶不致覆餗

之譏比予再蒞保陽而先生已

邵序

卷之一

三

捐館再見不可復得先生之子

孝廉公持公學源堂集命予爲

序余不善屬文謹識其居鄉梗

概以見先生之言皆可見諸施

行俾後之讀是集者想見先生

爲人則謂先生之文存卽先生

之人存也可

康熙三十年歲次辛未閏七月

賜同進士出身前江西道監察

御史

特簡管理直隸守道叅議年家

晚侍生邵陽邵嗣堯頓首拜

郭序

卷之一

四

題



學源堂文集卷之一目錄

序

送程周量職方出守桂林府序

送顧兄山工部出任陝西僉事分巡洮岷道序

送李吉爻令潞城序

送刑部尚書魏環漢致政歸蔚州序

送湯潛菴學士出撫下江序

送范白牧出守遼陽州序

送余佺廬副憲出撫江南序

贈沈繹堂序

學源堂文集卷之一目錄

送雲門弟倬郡南康序

贈程穆倩序



學源堂文集卷之一

清苑郭棻快園著

送贈序

送程周量職方出守桂林府序

南海程子周量淵雅卓犖天下才也壬辰與余同試南宮獲雋第一人而不與余同對策越數年官中書故事書得與台諫選及周量官是官其事遂格而不行中朝官遷轉不一格惟中書任滿三載投牒主商者例得序進自周量官是官其例又格而不行閱七八年爲司馬郎郎中秋祝大夫內可陟卿寺改給

學源堂文集

卷之一

一

諫御史陞翰林侍讀外可僉事臬司督鄉國學政自周量官是官其例悉格而不行噫仕宦之窮達遲速在上者未嘗有意爲之也在下者非盡作而致之也夫何以一人之身一身之官動若相左有如是乎癸丑夏粵西桂林乏知府事者周量以職方郎出守瀕發公卿搢紳競爲詩文贈其行瓊碩綺肥秀茂鬱森分擅其美而大旨則若惜之者爲周量惜抑抑不止爲周量惜耶吾固知非止爲周量惜也何也國家益亟求才能矣亦謂才者何才能者何能耶昔有虞之世高陽氏才子八人高辛氏才子八人是天之降

才爾殊也書曰汝惟不矜天下莫與汝爭功汝惟不伐天下莫與汝爭能與功埒者也顧凡奇才異能天生之不能成之君相欲用之不能識之卽成之而弗克極其量用之而未必當其才迺謂天之生才不偶也人之成能有限也有識者所以扼掣而歎歎愚謂天之成人不如人之自成君相之用人不如人之自爲用自古以來成人之具莫良于詩書而人自爲成之具亦莫良于誦詩讀書周量綺齒破萬卷下筆洋洋纒纒數千言立就聲滿江湖閩粵開服官而後假鄉館爲私第衙回深鍵懸槐蔭几夜雨篝燈籬壁

學源堂文集

卷之一

二

吟研鳥鼠喻咄咄洛誦不輟雖扈從旁午卒未嘗釋帙不甚接見賓客四方知名之士至則倒屣恐後而弱不勝衣訥不出口僣倭循牆恂恂乎孺子若也客有謂余者曰程職方以彼其才倘稍稍習世法周折十三事百執聞其所成就未可意計而量迺獨酷嗜讀古人書何也余曰此職方所以自爲成就者也信如君言適敗之耳況職方之才之能非今世之所謂才與能也今世之才與能其成也因乎人其敗也亦未必不因乎人職方有才而能而自成之非多讀書靜養氣亦烏能軼倫絕羣而矯矯自命也乎迺者雲

晉文武吏不相能以軍儲故相抵牾填撫者關于朝上命部臣之才而能者往治之周量以官樞密有聲得並使及至朝注者儔習于慢愒頗易之太守以下以使君文弱傍徨于無可恃周量闇闇然不少介意迨兩辭具正色霜嚴斷言風發罪舍出入無周內亦無疏脫向所爲慢而易之與傍徨于無可恃者咸類首屏息心折而不敢動歸報朝廷悉從其議於乎不有是役誰從而識之乎即識之亦曰讀書好古士耳謂明足以決大獄氣足以奪悍夫又誰從而信之乎周量蓋已自成其才能矣茲雖一麾出守余

惠源堂文集

卷之一

三

又幸其得桂林郡何幸也今日之桂林無以異于曩日之雲晉也慎勿曰晉雲之役稟天子命可按而治之桂林之行綰太守印綬耳不易越俎而問也夫有所稟而往者君相用之矣無所稟而往君不之用相不之用周量不難自爲用晉雲利用剛桂林無客剛也晉雲利用斷桂林無可斷也然則奚以用之乎夫亦正以告之曰今者天子仁而明方銳意致太平無日不以綏輯方夏惠愛黔首爲孜孜公等提七校師來鎮茲土所貴和戢偏裨爲荒服作捍衛國家不愆酬功之典否則粵西之底定無殊于粵之東

二三文武吏治之足矣設鎮可不設亦可也況乎其弗祇此耶一不聽則潔已首公振風飭紀使不得如臯者倚有司以行其私斯亦未有不肅然衰止者已昔白敏中知永興蘇頌守潤州能使驕兵悍帥頹而就規索古今人有何不可相及也允若茲周量之自成而自爲用者尤愈于天之成之而君與相之用之已自爲用而有效君與相設復嘉與而顯庸之安見自爲用者非君與相之用之者乎又安見非天之所以成之者乎余故爲周量幸而不與諸君子同聲惜而亦不必爲用周量者惜也

學源堂文集

卷之一

四

送顧見山工部出任陝西按察司僉事分巡洮

岷道序

天子官人惟其制君子服官惟其命上與下均不可以意行也上行意則論辨必消爵人而人不以為榮賞人而人不以為勸下行意則趨避生就舍異其流不可以終窮甚矣行意之非官人之法而服官之誼也若迺天子重制君子守命而官人者獨督行意是制有不必遵命有不足守矣謂之何歟人而以意干也旋以意得一命其欣欣矣人而弗以意干也人適以意予雖甚華臚雖甚壯麗猶且怒焉況乎其勞悴

學源堂文集

卷之一

五

其荒迷者耶乃如其人絕無幾微之不平動於中傍觀者胥為扼擊焉斯亦守命者之愚而行意者之差乎工部郎中華亭顧子見山余同年進士釋褐後授主政歷二十二年官猶郎中閒拓落輒軻悉出不意三年前始得權關虔州聞往時司權政者率繁而瘁賦而不能自娛非捐捐於郊勞贈答則釀酒徵歌夜分弗輟見山在虔署宇櫺櫺日讀書賦詩以其暇衙壁畫滿滄洲其意趣抑何等耶事半輒讀禮里居服閣謁選遇同人出所著作相與研悅經濟文章斐然有原本余覽之私嘆曰見山之學其弗可及也矣今

天子崇儒右文倘有舉而引之者將必有以酬知遇

彼趨趨競逐者流吾知退三舍矣今年秋七月擬補

水部郎序在五部上稍需之可擢提學僉事見山意

不屬也旋拜命故事京官履任不以限遲之經旬

或浹月例無督趣見山聞命後感寒疾弗克即受

事銓司日三迫之具以病告復徵病狀以恐喝之欲

其力疾上官見山以例無責也姑且緩銓司倉皇具

牒大司空敦趣一如前日將瞞召入署至則以受事

期報凡此皆非例也意也見山賦且嘆咄咄不審銓

司意所在翼日榜外遷者於壁見山為第一詢之知

學源堂文集

卷之一

六

泰西洮岷道滇南開化府粵西慶遠府具乏人蓋荒遠瘴癘地也見山一日不視事則不即陞見山不即陞勢必有次第及者急此所以緩彼也銓司意也見山審知其意灑然笑曰是役也余之滇粵者什七之西秦者什三均荒遠秦猶不失為監司銓司倘意更他屬余將涉萬里犯瘴癘矣既而得擢分巡洮岷道眾稍稍稱快乃司銓亦若有快焉則何也倘制而徇意慮見山不得志而有言耳中朝士大夫見者莫不相與為慰見山又灑然笑曰余不自意擢復不意擢是官洮岷固遠聿古人建旄萬里樹功名地山川鬱

宰風日沈寥人士伉爽不黠物產精整不浮遊其地者極生平選悞纖猥與震悸搐縮之情態曠然都空斯行也竊欲比於大丈夫矣況儼奉天子明命分外臺憲衣芻繡施板榷按部則太守以下手版迎道左州邑吏更有簞簋不飭者吾得以黜之畫諾坐嘯或鶴頸長鳬脰短者吾得以更置之守經經之愚殫矻矻之力抑亦足以明吾志而行吾學已即荒且遠奚其憊嗚呼是乃見山之志也乎夫人之置見山於洮岷也行其意見山之任洮岷也行其志公私小大之閒固自有辨又何有幾微之不平可動于中耶古

學源堂文集

卷之一

七

昔不得于時者多所遇抑蹉跎中外往往形爲詩歌以寫其牢騷宜其菴結見山瀕發作隴西行別親串友朋悲涼勃率敘其生平之閱歷與洮岷之剽劫黽黽然欲勵而有所爲耳讀者服其冒期之澹曠能爲詩人之善思而不爲詩人之善怨余曰不然古人之牢騷菴結者或齟齬于權貴或異同於朋黨其人心雄杰有拳勇不發其陰幽險誦則無以爲世道人心衛見山無所齟齬也無所異同也彼陷人之利而妄以意行者憐而哂之不遑烏足當其怨而不怒哉見山行矣驅車太行驪華龍門涇渭開河岳雄瑰古帝

王賢聖之芳蹟有足當其憑吊資其攬結者自喟然而嘆曰非此行烏從而曠耳目之觀乎脫也烈巖淡日行亂磧古壘閒芊芊械械昏黃極目不遽盡羌歌僉語復啞啞嘈囂以爲悠阻慘悵絕遠於江鄉澤國也則亦喟然而嘆曰非此行又烏從而識風土之異乎筆之紀述作爲詩賦或伸楮拂素點染摻括之異時者可以入告天子即不然亦以備乘輅軒者之採聽其所成就詎纖細哉彼行意者吾不識其究將何如也

學源堂文集

卷之一

八

送李長文先生遊平陽序

長文先生客太原與余同居蕭寺晨夕促膝縱談今古曳以快也未幾言別將爲平陽之遊予因酌酒而送之曰先生而爲平陽之遊也歟哉平陽固可遊也遊平陽者固不一而足也有爲乘傳至者先之以檄書聽之以郵騎絳旂導前劔弧擁後八騶鳴而紫戟臨負弩迎者望塵拜者懷名版候者鱗次蟄聚也抵其郭入其署鼓吹喧而人語寂趨謁以分位爲後先者未出後者已埃問訊稱述俾貴人口不得開笑不得止意在願上語在唾中而他無論已其遊也赫

學源堂文集

卷之一

九

赫然外是而貴公子及要人之用人車馬衣裘甚都攜尺一投官其地者札中語不必其刺刺已擬干寶錄靈笈矣爲之飭厨傳下榻帷朝且餽而夕且譙也不三日佯辭去挽留乃甚攀奉之益惟謹而他無論已其遊也洋洋然其下則有半面識或車笠舊盟甚者挾一技寸長走而仰干于人逢其閒適而無甚恙惡亦得假數日宿以攬觀其風土其游也瞿然令先生而爲平陽之游也歟哉其所持都不類是溫溫乎其德與容也奕奕乎其文與名也不談時政不示丰稜居然有道君子也倘如在古之時競重道德有

位者以文章聲氣相推引方切瞻望弗及之思亦既觀止何難負笈從而長跪請片語皆猶音隻字卽鴻寶河汾姑射開自多大賢之跡矣而今不知其何如也先生而爲平陽之遊也與哉先王啞然而笑曰予之遊蓋不在乎區區閒也予將歷堯舜故都陟首陽觀禹門砥柱折而循大河過太行遂陶然以賦歸胡乃測予以世俗乎予慙曰唯唯邇者山靈不謝客河伯不譏關先生可以曳游矣

學源堂文集

卷之一

十

送李吉父令潞城序

山陽李子吉父天下才也辛丑成進士官潞安司李
司李職明刑簡細一郡之邑長佐太守監司所不逮
方伯廉訪于焉咨庶績中丞直指于焉咨大計任綦
重也吉父李潞安及期勝任而愉快上官深器重之
有司者曰司李一官與巡方御史相表裏巡方罷
通達治體之言也吏部補吉父山東昌樂縣時以司
李調者下喬有嘆爭相濯磨以立名譽吉父尤矯矯
焉令昌樂廉甚邑瀕運河距淮上纔數百里米蔬醬
學源堂文集 卷之一 十一

醴悉買舟取諸家直飲其地之一杯水耳邑人素黠
悍難治一年丕變其俗厥績以懋中丞將薦之於朝
會吉父丁外艱去後六年服闋起補潞城來問于余
曰何以治潞城耶余曰子固能治潞城者也奚其問
又問余曰子已能李其郡者也何有于邑乃曰郡不
侔于邑李不侔于令令職難李職易莫以均也余曰
是不然比子李郡時臨諸邑上某也廉必咨嗟歎賞
之某也否必疾惡斥除之某也才某也否其獎戒陟
黜也因以異庸有所私好私惡於其人耶重念此出
蚩氓耳官司李而欲其令之愛斯民爲令可知已譬

之家有羊而屬人牧之惡其水草之弗時也寒暑之
弗宜也孕字之弗若也假以吾牧詎若是今且自牧
之矣寧以惡人者而忘之耶吉父令昌樂清節能聲
藉甚薄海潞城與昌樂一山之西東耳間聽夙切茲
行也吾意潞之人必欣欣相告曰吾儕其厚幸乎李
公李吾郡子吾人也公去而吾人曰父母孔遐李公
令昌樂昌樂之人父母公也公來而昌樂之人曰父
母孔遐吾人曰父母孔通人情無不愛之子曰宛轉
膝下固愛矣脫或父母去其子有年子違父母有年
一朝而復宛轉焉膝之下也噢煦拊摩必篤於疇昔
學源堂文集 卷之一 十二

矣吾人違公也久公未嘗不惻然念之茲儼然而來
噢煦拊摩夫豈有不至者乎吉父父母斯民者也體
此意而治之奚其有

送刑部尚書魏環溪致政歸蔚州序

人君所用以優遇保傅而鼓舞庶尹者恩也禮也人臣所持以受知明主樹績當時聲施後世者道也恩禮固非常之寵榮而道爲重何也思禮出於上者也道守於下者也苟道不重則受知亦偶合樹績亦倖成聲施亦虛譽爾矣語曰道隆則從而隆道汙則從而汙又曰道合則從不合則去顧孰不以道爲重哉夷考古之人蓋亦有幸不幸焉孔子孟子道之主也孔子爲魯司寇攝行相事者三月魯幾幾乎治三氏梃之不能強魯孟子屬意於齊宣開陳王道不啻數

學源堂文集

卷之一

三

千言卒以仁義不能奪功利而去之嗚呼一聖一賢所遇如是而後之學者能不懼乎宋司馬溫公朱文公道之輔也溫公與王安石論理財仁宗未嘗不嘉納獨用之後以薦蘇軾忤旨乃遂歸洛閱二十年而後出都人遮道祝之曰公無歸洛畱相天子活百姓是何如願望也哉而充亦去就不常是爲可嘆也文公始終一儒者耳數上封事多所詆譏孝宗之眷雖厚而嫉者愈深故歷事四朝仕於外者九考立於朝者僅四十日兩君子之所遇又如而是而後之學者益莫知所適從矣豈非古人所謂不幸者耶迄今數千

餘年世運雍熙主德明聖士君子之以道爲進退

者莫不始終邀恩禮之隆論者咸以爲遭時獨幸而不知皆道之爲也今刑部尚書環溪魏公以進士甲科讀書翰林不二年擢授給諫當世府時蹇蹇謬謬其所敷陳庸止如溫公之過新法乎旋以不合於時引疾而去里居幾二十年讀書考道譽望益重故爲宰相所特舉爲朝廷所詔徵方其起家入國門人之望之又奚啻如溫公之在哲宗初年乎公原以光祿丞去也主爵者議仍官其官朝廷知公賢且才不欲置之閒秩特授監察御史欲公有所建白也

學源堂文集

卷之一

五

公一疏再疏痛中時弊朝野敬服未幾而擢爲京卿此何異於文公之進直徽猷閣乎不三四年游拜都御史論列侃侃台班整肅表薦廉才內如宋公文運外如于公成龍皆得大用以清節著以視溫公之薦蘇軾則過之矣康熙壬戌公拜大司寇承命巡察畿輔單騎纓繡訪問民間疾苦凡有不便輒破柱擊奸三輔豪右惴惴如水上行以視文公之劾台州守又過之矣報命時深被嘉獎明刑弼教如故公在西曹寅入酉出案無畱牘諸司郎吏多罷苦不勝公精神益生不數月析楊雨繡行徃草青矣上數慰

勞之甲子春味爽啟事忽蒙仆於朝掖而歸第即引疾辭職上慰留之遣醫診視賜人參及參茸稍閒出視事抵秋病復作再請告上憫念勞深誠重允馳驛去公入辭上顧問病狀恩誼藹如撤御饌以食之仍諭以未及行還來覲公越日再入上與論治天下要道公以知人安民爲言又越日三入上出宸書寒松堂扁字大尺餘並以行書御製古北口詩賜之公手捧出喜動顏色謂翰林學士曰今日老臣獲際三盛事御詩宸翰一也古無書扁額賜臣下者得之自老臣始二也古之優禮去國老

學源堂文集

卷之一

五

臣無三入陛辭者有之亦自皇上始三也諸公幸記注之垂諸萬世老臣頃已啟允矣嗚呼跡公所遇豈不遠邁古人萬萬哉然公更有特邁於古人者公再入春明僦居僻巷謝絕賓客雖游歷要津門恒如水脫粟布衣無異儒素求之古人伊誰與匹耶憶甲寅秋攜公子無爲至余寓會集者七八人薄酌敘談命題集字爲詩詩成屬余即席爲序書之裝潢成卷用志雅事詞壇主盟也屈指同時唱和者率登三事而及今祖道青門唯余與都御史說巖陳公吏部侍郎容齋李公耳聚散之感深切於中道義之友不益

寥寥乎公學道五十年進以禮退以義受主上之知樹當時之績施後世之聲完名全節有非冰水紫陽所可及者非幸也道重故也余之坎壈齷齪莫由振拔者非不幸也道不足也公之道重如此受恩禮如此樹績聲施如此乃高風比於二疏余道之不足也如此而猶白首驚顛點侍從之班豈非戀棧咀助之尤者乎茲爲文送公感與愧駢繫之矣

學源堂文集

卷之一

六